



CYLCHLYTHYR NADOLIG MARCHNAD FFERMWYR HWLFFORDD



Annwyl Gyfeillion Marchnad Ffermwyr Hwlfordd

Mae'r Nadolig yn cyrraedd Marchnad Ffermwyr Hwlfordd yn gynnar! Bu'r stondinwyr eisoes yn cynllunio a pharatoi bwyd ac anrhegion bendigedig i sicrhau fod pob un o'u cwsmeriaid yn gallu achub y blaen ar brysurdeb yr ŵyl.

Mae POB UN o'n marchnadoedd yn ystod mis Rhagfyr yn farchnad Nadolig, er mwyn i bawb allu manteisio'n llawn ar y dewis ardderchog o fwyd ac anrhegion sydd ar gael. Mae archebion eisoes yn cael eu derbyn ar gyfer y Nadolig, felly peidiwch â cholli'r cyfle i fwynhau eich holl ffefrynnau, ac archebwch nawr!

BETH SY'N CAEL EI GYNNIG YM MARCHNADOEDD NADOLIG MARCHNAD FFERMWYR HWLFFORDD

Dydd Gwener 1, 8, 15 a 22 Rhagfyr



Marchnad Wledig Hwlfordd - dewiswch o blith detholiad moethus o deisennau, pwdinau, bisgedi ac eitemau blasus melys a sawrus cartref yn stondin Marchnad Wledig Hwlfordd, ac yn arbennig ar gyfer tymor y gwyliau, beth am ddweud naw wfft i'r deiet gyda danteithion fel mins peis, pwdinau Nadolig a Stollen, ynghyd â theisennau Nadolig moethus â brandi, a hamperi anrheg Nadolig bendigedig. Gellir archebu eitemau di-glwten a di-wenith hefyd, gan gynnwys teisen siocled foethus, teisen lemwn ac eitemau sawrus, ynghyd â theisennau dathlu cartref blasus.



Fferm Organig Hazelwell - mae gennym gynnyrch anhygoel i'ch tentio o blith cig oen ac eidion sydd ar gael gan Paul bob amser, gan gynnwys brisged eidion, 'topside' eidion, rac cig oen, golwython syrllwyn, golwython lwyn oen, cytledi oen a llawer o ddewisiadau organig blasus eraill. Yn arbennig ar gyfer tymor y gwyliau, dewiswch eidion bridiau prin a chanonau oen a choesau oen sydd wedi ennill gwobrau. Mae Paul yn derbyn archebion Nadolig nawr.



Perlysiâu a Phlanhigion Gardd Rhoshill
Cadwch lygad am ddetholiad o dorchau a chroesau Nadolig gan Andy ym mis Rhagfyr, ynghyd â dewis o gardiau Nadolig a wnaed â llaw.



F J Hathway & Sons - Mae gan Barry ddewis helaeth o lysiau'r gaeaf a dyfwyd gartref ar gael nawr... Os oes chwant llond bol o lobscows neu gaserol arnoch, neu gawl i'ch cynhesu, neu lysiau ar gyfer cinio'r Sul, gallwch ddewis o blith brocoli, blodfresych, bresych, cennin, winwns, ysgewyll, moron, pannas, bresych coch, betys, a thatws wrth gwrs - peidiwch ag anghofio casglu eich llysiau ar gyfer cinio Nadolig, a moron ar gyfer Rudolph a'i gyfeillion!!!!!!!

**Archebion
Nadolig yn
cael eu
derbyn nawr**



Y Becws Cymreig - i ddathlu tymor y gwyliau, mae'r Becws Cymreig yn cynnig dewis blasus o ddanteithion cartref gan gynnwys mins peis, Stollen a boncyffion Nadolig siocled o Wlad Belg, ynghyd â'r holl ddewis arferol o fara, roliau, bara arbenigol a nwyddau pestri perffaith arferol.



Mae Fferm Blaencamel - yn fferm deuluol yn Nyffryn Aeron sydd wedi ennill gwobrau, ac sy'n cynhyrchu llysiau, salad, perlysiâu a blodau arddangos ffres. Gwneir jamiau o gynnyrch organig y fferm, a chynhwysion organig eraill. Bydd Blaencamel yn mynd i bob un o'r marchnadoedd ffermwyr sy'n cael eu cynnal yr adeg hon o'r flwyddyn ac yn arbennig ar gyfer y Nadolig, rydym ni'n cynnig dewis arbennig ar gyfer eich bwrdd Nadolig... eisiau'r tatws rhost gorau? Carolus yw'r math gorau y gŵyr Blaencamel amdano. Pannas bendigedig i'w rhostio, swêds, ysgewyll wrth gwrs, bresych coch, gwyn a gwyrdd - ond cofiwch roi cynnig ar ein kalettes newydd hefyd. Moron, gan gynnwys moron amryliw am newid, a betys arbennig sy'n rhoi lliw tymhorol... ynghyd â llawer iawn mwy.

Y cyfan hyn, ynghyd â'r sicrwydd fod Blaencamel yn fferm garbon sero sy'n ymrwymedig i wella'r pridd a thyfu bwyd sy'n blasu'n anhygoel, yn y gobraith o helpu'r Ddaear.

Gallwch warantu ein bod ni'n ateb eich holl ofynion Nadolig drwy lenwi'r ffurflen archebu, ar gael ar y stondin, ac yna cofiwch gasglu eich archeb yn ein marchnad ar ddydd Gwener 22 Rhagfyr.



Cig Lodor Meats – bydd Carla'n rhoi cyfoeth o ddanteithion Nadolig i'w chwsmeriaid eleni, ynghyd â'i dewis rhagorol o facwn, selsig, byrgyrs, golwython a darnau sydd ar gael fel arfer.

Gallwch ddethol popeth sydd ei angen arnoch ar gyfer gwledd Nadolig berffaith: gamnau tymhorol - dewiswch o flas clof a llawryf; triog; marmalêd ac oren a leim. Cig gwneud selsig porc plaen blasus, porc ac afal, porc a chennin, oen a mint a blasau'r ffermdy; gallwch hefyd ddewis selsig chipolata, selsig bach mewn bacwn, asennau eidion Dexter, coesau cig oen Cymru blasus, Guards of Honour, clustogau oen wedi'u stwffio, lwyn porc wedi'i addurno yn y dull Ffrengig, a chyfrwyau oen - wedi'u stwffio neu'n blaen.

Cofiwch gasglu Ffurflen Archebu Nadolig i sicrhau na fyddwch chi'n anghofio dim o'ch ffefrynnau Nadolig!



Mêl George Durham -

Mae mêl mor ddefnyddiol - yn berffaith ar ei ben ei hun, ac yn wych i gyd-fynd â phrydau a phwdinau. Mae George yn cynnig dewis o fêl a chynnyrch mêl i'w gwsmeriaid... dewiswch o farmalêd mêl oren a marmalêd mêl lemwn, mêl coginio, jariau mêl tedi bêr ac yn arbennig ar gyfer tymor yr Ŵyl, canhwyllau Nadolig a hamperi anrheg Nadolig mêl wedi'u haddurno.



Cawsiau Ffermdy Teifi - mwynhewch gyda detholiad o gawsiau blasus sydd wedi ennill gwobrau. I fynd gyda nhw, beth am lasiaid bach o jin botanegol y ffermdy neu wydraid o frandi afal. Bydd Distyllfa Da Mhile hefyd yn lansio'i ail botelaid a'r detholiad cyfyng o Wisgi grawn unigol o Gymru.



Bydd gan y Soap Shack eitemau Nadolig ochr yn ochr â'ch ffefrynnau arferol. Bydd sebonau Pwdin Nadolig, Oren Siocled a Sinamon ac Oren ar gael, ynghyd â sawl cannyll dymhorol gan gynnwys Pwdin Nadolig, Pluen Eira, Torch Nadolig, Robin Goch, Bara Sinsir a llawer mwy. Bydd ganddynt hamperi yn cynnwys eu cynnyrch ar gael mewn meintiau amrywiol hefyd, a gellir gwneud hamper yn unol â'ch gofynion chi... gan gynnwys labeli personol.

Nadolig llawen



Fferm Dyrwyn Cuckoo Mill - does dim byd all guro twrci ffres o'r fferm ar gyfer eich cinio Nadolig traddodiadol, na'r un pryd arall dros dymor yr Ŵyl - gallwch ddewis o dyrwyn cyfan o'r fferm hyd at 8kg, cyfrwy o dwrci a rhôl brest twrci heb asgwrn, yn blaen neu'n cynnwys stwffin cartref. Dilynwch y Tîm Tyrwyn ar Facebook yma.

<https://en-gb.facebook.com/CuckooMillFarm/>





Fferm Coland Rise – Nadolig ar Stondin Coland Rise, bydd gan Tricia ac Andrew Rogers gynigion arbennig yn ystod mis Rhagfyr... bocsys cig blasus sy'n cynnwys detholiad o eitemau eidion o fferm y teulu. Bocsys penwythnos ar gyfer 2-4 neu 4-8 o bobl; bocsys braster is ar gyfer 2 neu 4 o bobl; bocsys y teulu ar gyfer hyd at 4 o bobl neu hyd at 6 o bobl, hefyd bocsys Nadolig sy'n cynnwys amrywiaeth o eitemau Nadolig.

Hefyd ar y stondin bydd cig selsig eidion cartref a selsig eidion cartref wedi'u lapio mewn bacwn lleol. Peidiwch anghofio y gallwch gasglu hufen ar gyfer eich pwdinau Nadolig, a llaeth ffres, ac os oes chwant bwyd arnoch, bydd Andrew yn fwy na pharod i goginio un o'u byrgyrs Saler blasus i chi. Nadolig llawen iawn i'n holl gwsmeriaid presennol, a rhai newydd!




Meithrinfa Newbridge – Bydd Phil yn y farchnad ar 15 a 22 Rhagfyr, i werthu dewis o dorchau celyn a phinwydd traddodiadol, basgedi wedi'u plannu a threfniadau arbennig ar gyfer y Tymor, bylbiau yn eu blodau a phlanhigion at y Nadolig, ynghyd â chelyn ac uchelwydd i addurno eich bwrdd Nadolig ar gyfer yr achlysur arbennig Nadoligaidd. Mae Phil yn ein cyflenwi â phlanhigion ffres, tymhorol bob wythnos ar stondin Marchnad Ffermwyr Hwlffordd, ynghyd â thorchau a basgedi Nadolig a fydd hefyd ar gael ar 1 ac 8 Rhagfyr.



Unwaith yn rhagor rydym yn hynod falch o allu croesawu disgyblion o ysgolion lleol i ganu carolau Nadolig yn ein marchnadoedd Nadolig ym mis Rhagfyr, gan ddechrau gyda phlant Ysgol Sant Marc a fydd yn ymuno â ni ar 8 Rhagfyr. Mae Byddin yr Iachawdwriaeth hefyd wedi cytuno'n hael i ddod i'n difyrru trwy ganu carolau ar 15 Rhagfyr, ac yna ar 22 Rhagfyr, disgyblion Ysgol y Santes Fair Wiwlan fydd yn westeion i ni. Fel y bydd llawer ohonoch yn gwybod, mae ein digwyddiadau canu carolau'n cael eu mwynhau gan bawb sy'n ymweld â'r farchnad, ac mae'r carolau Nadolig, a genir mor hyfryd gan ein gwesteion, yn ychwanegu'n fawr iawn at ysbryd y Nadolig yn y marchnadoedd hyn.

Cynhyrchwyr yn ein marchnadoedd Nadolig

Cig Lodor Meats (Pob dyddiad)	Tynewydd Alpacas (Pob dyddiad)
Fferm Dyrwyn Cuckoo Mill (Nid 22 Rhag)	Y Becws Cymreig (Nid 8 Rhag)
Marchnad Wledig Hwlffordd (Pob dyddiad)	Mêl George Durham (Pob dyddiad)
Mae Fferm Blaencamel (Pob dyddiad)	Fferm Organig Hazelwell (Nid 1 Rhag)
Meithrinfa Newbridge (15 & 22 Rhag yn unig)	Farmers Food at Home (Nid 8 Rhag)
Wyau Maes Pennsylvania Farm (Pob dyddiad)	F J Hathway & Sons (Pob dyddiad)
Cawsiau Ffermdy Teifi (Pob dyddiad)	Fferm Coland Rise (Pob dyddiad)
Dofednod Penrallt Goch (Pob dyddiad)	Gwella (8 & 22 Rhag yn unig)
Perlysiâu a Phlanhigion Gardd Rhoshill (15 & 22 Rhag yn unig)	Bydd gan y Soap Shack (Nid 1 Rhag)
Ocean Seafoods (Pob dyddiad)	



MAE POB STONDINWR YN GWAHODD CWSMERIAID I YMWELD Â NHW A SIOPA MEWN AWYRGYLCH GLYD, DAN DO YN NHWNNEL ARGOS YN YSTOD MIS IONAWR A CHWEFROR 2018



BYDD MARCHNAD FFERMWYR HWLFFORDD YN AILDDECHRAU AR DDYDD GWENER 12 IONAWR 2018 YN NHWNNEL ARGOS